

## 2. gr.

48

Sýslumaður útnefndur eftir tillögu hlutaðeigandi hreppsnefnda svo margna menn í 23. maí gæzlunefnd, sem hann álitur þurfa í hreppum þeim í sýslunni, þar sem hákarlaveiði er stunduð. Hinir útnefndu gæzlumenn hafa nákvæmt eptirlit á, að samþykkt þessari sje hlýtt, og varðar það sektum samkvæmt 3. grein, ef þeir brjóta á móti þessari skyldu sinni, enda skal gæzlunefndinni launað með ½ alin eptir meðalverði lýsis í hvers árs verðlagsskrá af hverri lifrar tunnu, er kemur á land á því svæði, sem hún er skipuð fyrir.

## 3. gr.

Brjóti nokkur móti samþykkt þessari, nema því að eins að líf hans liggj við, varðar það sektum frá 1—100 króna eptir málavöxtum. Helmingur sekta fellur til upp-lyóstrarmanns og hinn helmingur til hrepps þess, sem brotið er framið í.

\*

\*

\*

Samþykkt þessi, sem eptir löglegan undirbúning hefir verið gjörð af sýslunefndinni í Barðastrandarsýslu 27. septembr. 1880 staðfestist hjermeð af undirskrifuðum amt-manni samkvæmt lögum 14. desbr. 1877 um ýmisleg atriði, er snerta fiskiveiðar á opnum skipum, til að gilda frá 1 degi októberm. 1881 fyrir Raudasandshrepp norðan Bjargtanga Tálknafjarðarhrepp, Dalahrepp og Suðurfjarðahrepp innan Barðastrandarsýslu, og kunn-gjörðist hjermeð öllum hlutaðeigöndum til eptirbreytni.

Íslands vesturamt, Reykjavík 23. maí 1881.

Bergur Thorberg.

## Reikningur

styrktarsjóðs handa þeim, er biða tjón af jarðeldi, 1880.

49

31. des.  
1880.

	Tekjur	kr.	a.
1. Eptirstöðvar frá f. á. (stjórnartíð. 1879 B. 203).			
innritunarskírteini . . . . .	16500 kr.	„ a.	
konungleg skuldabryf . . . . .	4200 —	„ -	
í sparísjóði Reykjavíkur og í reiðum peningum . . . . .	264 — 73 -		20964 73
2. Vextir			
a. af innritunarskírteini til 11. júní 1880 . . . . .	660 —	„ -	
b. af konunglegum skuldabryfum til 11. desbr. 1881 . . . . .	168 —	„ -	
c. af sparísjóðsbók . . . . .	10 — 69 -		838 69
3. Gjóf úr Norðurmúlasýslu (stjórnartíð. 1880 B 123.) . . . . .			200 „
			alls 22003 42

## Gjöld.

1. Styrkur til launa handa búfræðingum 1879:			
a, í Norðurmúlasýslu . . . . .	200 kr.		
b, í Suðurmúlasýslu . . . . .	200 —		400 „
2. Styrkur til launa handa búfræðingum 1880 í Suðurmúlasýslu . . . . .			200 „
3. Eptirstöðvar 31 desember 1880:			

Flyt 600 .

49									
31. des.	a, innritunarskirteini	. . . . .	16500 kr.	„ a.					
1880.	b, konungleg skuldabrief	. . . . .	4200 —	„ a.					
	c, í sparisjóði Reykjavíkur	. . . . .	619 —	42 a.					
	d, í reiðum peningum	. . . . .	84 —	„ a.	21403	42			
					alls	22003	42		

Landshöfðinginn yfir Íslandi Reykjavík 31. desbr. 1880.

Hilmar Finsen.

Jón Jónsson.

50 — Brjef ráðgjafans fyrir Ísland til landshöfðingja um arf handa fjarstöddum erfingjum. — Með því að arfur úr nokkrum dánarbúum hefir verið útlagður fjarstöddum erfingjum, sem ekki hafa mött nje mæta látið við skiptin, hafið þjer, herra landshöfðingi, samkvæmt ósk hlutadeigandi embættismanns, spurt, hvernig, þegar svo ber við, eigi að fara með arfinn, og hvort og hvernig reynt skuli að gefa hlutadeiganda til vitundar, að honum hafi hlotnast arfur, og teljið þjer það líklegt, að slíkt kunni optar að eiga sjer stað, þar sem á síðari árum heldur margt fólk hafi fluzt frá Íslandi til Vesturheims.

Fyrir því undanfelli jeg ekki þjónustusamlega að tjá yður til þóknanlegrar leiðbeiningar og frekari birtingar, að í líkingu við lagaákvæðanir þær, sem gilda um meðferð á ómagafje, verður að skipa fjárráðamann til þess með umsjón hlutadeigandi yfirfjárráðanda að ráðstafa arfi, sem lagður er út fjarverandi erfingja, sem hvorki hefir mött nje mæta látið við skiptin. Það verður þá skylda slíks fjárráðamanns, þegar hann fær vitneskju um, hvar erfinginn sje niður kominn, að senda honum nauðsynlega skýrslu um hinn tilfallna arf. Hins vegar verður ráðgjafiinn að vera landshöfðingjanum samdóma um, að eigi sje nægileg heimild til að leggja á hið opinbera neinar skyldur í þessu efni, þar eð ganga verður út frá því, að skiptarjetturinn, meðan skiptin standa yfir, fullnægi skyldum sínum samkvæmt 14. gr. laga 12. apríl 1878 um skipti á dánarbúum og fjelagsbúum, að grennslast eptir erfingjunum og gefa þeim sjerstaka skýrslu um mannslátið. Fjárforræðið verður að öðru leyti að standa þangað til að erfingi sá, er hlut á að máli, tekur sjálfur við stjórn fjárins, eða þangað til fjeð verður útlagt erfingjum hans, þegar heimild til þess er fengin, sbr. konungsbrjef frá 9. nóvbr. 1825, og skal þess jafnframt getið, að fjeð rennur til landssjóðs og ber að borga í hann, ef ekkert af því, sem að ofan er gjört ráð fyrir, á sjer stað fyrir lok þess tíma, sem lögin ákveða.

51 — Brjef ráðgjafans fyrir Ísland til landshöfðingja um sameining 2 kirkjusókna. — Eptir að ráðgjafiinn hafði meðtekið brjef yðar, herra landshöfðingi, frá 13. október þ. á. og gjört út af því allraþegnsamlegustu uppástúngu hefir hans hátígn konúnginum þóknast 13. þ. m. allramildilegast að fallast á, að leggja megi niður kirkjurnar á Höfða og Grýtubakka í Höfðaprestakalli og Suðurþingeyar prófastsdæmi í norður- og austurumdæmi Íslands, og að í staðinn fyrir þær verði byggð úy kirkja á jörðinni Svæði í nefndu prestakalli með þeim skilmálum, sem hjer greinir.